

Ақийда дарслари (29-дарс). Иститоъат ва унинг турлари (давоми)



13:30 / 15.04.2019 5275

Аллоҳ таоло Каҳф сурасида айтади:

فَلْيَكْفُرْ شَاءَ وَمَنْ فَلْيُؤْمِنْ شَاءَ فَمَنْ رَبِّكُمْ مِنَ الْحَقِّ وَقُلِّ

«Сен: «Ҳақ Роббингиз томонидандир. Бас, ким хоҳласа, иймон келтирсин, ким хоҳласа, куфр келтирсин», дегин» (29-оят).

Яъни: «Эй одамлар, сизга келган ҳақ нарса – Қуръон, Ислом Роббингиз томонидандир. Ким хоҳласа, Унга иймон келтирсин, хоҳламаса, ўзи билади. Ихтиёр ўзларида», деб айтгин уларга, эй Расули Акрам.

Аллоҳ таоло Юнус сурасида айтади:

بُوكِلِ عَلَيْكُمْ أَنَا وَمَا عَلَيْهَا يَصِلُ فَإِنَّمَا صَلَّ وَمَنْ لِنَفْسِهِ يَهْتَدِي فَإِنَّمَا أَهْتَدَى فَمَنْ رَبَّكُمْ مِنَ الْحَقِّ جَاءَكُمْ قَدْ أَنَسَ بِتَأْيِهَا قُلْ

«Сен: «Эй одамлар, сизга Роббингиздан ҳақ келди. Бас, ким ҳидоятга юрса, ўзи учун ҳидоят топадир. Ким залолатга кетса, ўз зарарига залолат топадир. Мен сизларнинг устингиздан қўриқчи эмасман», деб айт» (108-оят).

Ҳамма нарса очиқ-ойдин бўлди. Энди ҳар ким ўзини билиб иш кўрсин.

«Эй одамлар, сизга Роббингиздан ҳақ келди».

Эй одамлар, сизга Роббингиздан ҳақ Набий – Муҳаммад алайҳиссалом келди.

Эй одамлар, сизга Роббингиздан ҳақ китоб – Қуръони карим келди.

Эй одамлар, сизга Роббингиздан ҳақ дин – Ислом келди.

Эй одамлар, сиз ўзингизга Роббингиздан келган ҳақ Расул – Муҳаммад алайҳиссаломга эргашинг, ҳақ Китоб – Қуръони каримга амал қилинг ва ҳақ дин – Исломни ҳаётингизга татбиқ қилинг, икки дунё саодатига эришасиз.

«Бас, ким ҳидоятга юрса, ўзи учун ҳидоят топадир».

Аллоҳнинг ҳидоятига юрганлар ўзлари учун фойдага эришадилар. Бошқа бировга хизмат қилган бўлмайдилар.

Шунингдек:

«Ким залолатга кетса, ўз зарарига залолат топадир».

Ким Аллоҳнинг ҳидоятида юрмаса, залолатга кетган бўлади. Залолат эса кони зарардир. Бинобарин, залолатга кетган ҳар бир шахс ўзига ўзи зарар қилган бўлади.

«Мен сизларнинг устингиздан қўриқчи эмасман», деб айт».

Ҳа, Набий алайҳиссалом ҳам, у зотдан бошқа бирор киши ҳам ҳеч кимнинг устидан қўриқчи қилиб қўйилган эмаслар. Уларнинг вазифаси Аллоҳнинг динини кишиларга етказиш, холос. Ҳар ким нима қилса, ўзи учун қилади.

Шунинг учун ҳамма Аллоҳ таолонинг айтганини қилиши лозим. Аллоҳ таоло эса бандаларини амал қилишга, ибодат қилишга буюради.

Аллоҳ таоло Каҳф сурасида:

﴿أَحْدَاثُ رَبِّهِ بِعِبَادِهِ شُرَكَاءٌ وَلَا صَلَاحًا عَمَلًا فَلْيَعْمَلْ رَبِّهِ لِقَاءَ رَبِّهِ إِنَّهُ بِشُؤْرِكُمْ فَتَنٌ﴾

«Бас, ким Роббига рўбарў келишни умид қилса, яхши амал қилсин ва Роббининг ибодатига биронтани шерик қилмасин», деган (110-оят).

Аллоҳ таоло Наҳл сурасида:

﴿تَعْمَلُونَ كُنْتُمْ بِمَا الْجَنَّةَ أَدْخُلُوا﴾

«Қилиб юрган амалларингиз туфайли жаннатга киринг», деган (32-оят).

Имом Термизий ривоят қилган ҳадиси шарифда Набий соллаллоҳу алайҳи васаллам:

«Беш вақт намозингизни ўқинг, оингиз рўзасини тутинг, молларингиз закотини беринг, Роббингиз жаннатига кирасиз», деганлар.

“Ақоид илми ва унга боғлиқ масалалар” китобидан